



Pitzinnas istimadas e pitzinnos istimados,
pitzocas istimadas e pitzocos istimados,

su chi cumintzat oe est, pro seguru, s'annu iscolàsticu prus istranu de sa vida bostra comente istudiantes e de sa nostra comente amministradores. Oe, difatis, non si faeddat de libros, de matèrias, de letziones, de maistros o de professores: si chistionat de comente si diat pòdere istransire una maladia. Non nos fiat capitadu mai e tocat chi nos adatemus.

Una cosa bos podimus assegurare: s'amministratzione comunale as fatu totu su chi podiamus pro bos agiuare. Amus faeddadu cun su dirigente iscolàsticu, amus cuntribuidu a cuncordare a nou sas àulas, amus pensadu a su trasportu dae domo a iscola.

Isperamus e bos auguramus chi andet totu bene. Semus seguros chi fintzas custu at a èssere un'annu iscolàsticu cun amighèntzias noas, esperièntzias bonas, tocheddos de coro e satisfziones, connoschèntzias noas in totu sas matèrias chi ais a praticare in classe e in sos libros. Pro custu isperamus chi sos maistros e sos professores bostros bos content s'**istòria de sa Sardigna e de su pòpulu suo**, sa cultura nostra, e chi sos meses imbenientes cumintzedas una cosa noa: **chistionade in sardu intre bois e cun sos professores**, in classe. Pedide custa cosa: **est unu deretu bostru**.

Est unu momentu ditzosu. B'at oriolu, est craru, ma a imbènnere sos cumpàngios est semper bellu. Semus seguros chi a s'acabbu de custu annu amus a èssere prus ricos totus. Bois, mescamente, ais a èssere prus mannos e ais a megiorare: ais a crèschere. Pro praghera, agiuade a nois a crèschere, a sos mannos.

Bonas uras! Bona iscola!

Su Sindigu e s'Amministratzione Comunale



Care bambine e cari bambini,
care ragazze e cari ragazzi,

quello che inizia oggi è di sicuro l'anno scolastico più strano della vostra vita di studenti e della nostra esperienza di amministratori. Oggi infatti non si parla di libri, di materie e lezioni, di maestre e professori: si parla di come evitare una malattia. Non ci era mai successo e dobbiamo abituarci alla novità.

Di una cosa potete essere certi: l'amministrazione comunale ha fatto tutto il possibile per aiutarvi. Abbiamo parlato con il dirigente scolastico, abbiamo contribuito alla trasformazione delle aule, abbiamo pensato al vostro trasporto da casa alla scuola.

Ci auguriamo e auguriamo a voi che tutto vada per il meglio.

E siamo certi che anche questo si trasformerà in un anno scolastico ricco di amicizie, belle esperienze, batticuore e soddisfazioni, nuove conoscenze in tutte le materie che troverete in classe e nei libri. Proprio perciò speriamo che i vostri insegnanti vi raccontino la **storia della Sardegna e del suo popolo**, la nostra cultura, e che facciate nei prossimi mesi una cosa nuova: **parlare in sardo tra voi e con i professori, in classe**. Chiedetelo, se non succede: **è un vostro diritto**.

Questo è un momento felice. C'è un po' d'ansia, è naturale, ma l'incontro con i compagni è sempre un momento felice. Siamo sicuri che alla fine di questo anno saremo tutti più ricchi. Voi, in particolare, sarete più grandi e migliori: crescerete. Per favore, aiutate a crescere anche noi adulti.

Buon anno! Buona scuola!

Il Sindaco e l'Amministrazione Comunale